

馆藏精品

# 永乐大典

主编 郑福田

远方出版社

# 永乐大典

主编 郑福田

第三卷

远方出版社

数字图书馆  
PDG

## 图书在版编目 (CIP) 数据

永乐大典/郑福田主编 - 呼和浩特: 远方出版社. 2005. 11

ISBN 7-80723-108-4

I. 永… II. 郑… III. 百科全书 - 中国 - 明代 - 缩写本  
IV. Z224

中国版本图书馆 CIP 数据核字 (2005) 第 138929 号

## 永乐大典

---

主 编: 郑福田

出版发行: 远方出版社

社 址: 呼和浩特市乌兰察布东路 666 号

邮 编: 010010

经 销: 新华书店

印 刷: 北京一鑫印务有限责任公司

开 本: 850 × 1168 1/32

字 数: 490 千字

印 张: 275

版 次: 2006 年 1 月第 1 版

印 次: 2006 年 1 月第 1 次印刷

印 数: 2000 套

标准书号: ISBN 7-80723-108-4/K · 1

---

定 价: 960.00 元 (全 48 册)



# 目 录

永  
乐  
大  
典

- 永乐大典之八百九十六 二支 ..... (1)  
 [1954年6月苏联送还]
- 永乐大典卷之八百九十九 二支 ..... (42)  
 [1954年6月苏联送还]
- 永乐大典卷之九百 二支 ..... (96)  
 [1954年6月苏联送还]
- 永乐大典卷之九百一 二支 ..... (141)  
 [原藏北京图书馆]

一  
PDG

## 永乐大典之八百九十六

1954年6月苏联送还

### 诗 宋诗五

【袁起岩东唐集】《临安邸中即事，且谢诚斋惠诗》：

犹得十篇慰族思，坐吟行咏只相随。岂无一个闲宾客，  
便有谁来得似诗。

东风一夜转西南，分外羁愁分外寒。秋里酒肠浑不放，  
一杯全似十杯宽。

老来无复梦清都，到得清都却守株。此子行期犹自拙，  
个中能巧定应无。

一去重来发已星，八年归老卧漳滨。似曾相识满天下，  
不信怜渠未有人。

闷杀楼居隘似囚，一楼四壁障双眸。趁晴下得楼来看，  
又被西风赶上楼。

有愁无睡眠青青，鼠啮虫吟到五更。不分小黥同作祟，  
呼牌也作百般声。

世事全无只恁闲，光阴闲里故相开。欲将睡去消磨日，  
睡得醒时日未阑。

只作离家一月程，如今一月正飘零。定非官禄星临命，

想见流年是客星。

急雨斜风一夜狂，客衾愁枕五更长。问君个里情怀恶，不听鹃啼也断肠。

挑灯拭眼聚诗材，捻断须时句欲裁。判却三更犹不寐，待渠明月过楼来。

万瓦丛中客里身，可怜虚度一番春。日长寻得宽心术，唤取门前卖卜人。

男儿弧矢四方居，何以家为莫念渠。打扑精神希一遇，书来不必问何如。

【范石湖大全集】《程助教求诗》：残山剩水带离亭，送客烦君远作程。真欲明年击吴楫，白沙翠竹是柴荆。

《藻侄比课五言诗，已有意趣，老怀甚喜。因吟病中十二首示之，可率昆季赓和，胜终日饱闲也》

旧岁连新岁，凉床又暖床。山川屏里画，时刻篆中香。畏垒安吾土，支离饱太仓。若教身便健，鹤背入缙杨。

初鹿纷纭梦，亡羊散乱心。眇昏遮眼读，愁苦捻髭吟。幸觉行迷远，其如卧病深。通身都放下，何用觅砭针。

日暖衣犹袞，宵长被有棱。朝晡三椬饭，昏晓一红灯。伴坐跼如几，扶行瘦比藤。生缘堪入画，寂寞憩松僧。

绳倚扶枵骨，蒲团阁悴肤。事疑偿业债，形类窘囚拘。空劫真常体，浮生幻化躯。个中元不二，无语对文殊。

软熟羞盘馔，芳辛宾枕帟。候晴先晒席，占湿预烘衣。易粟鸡皮皱，难培鹤骨肥。头颅虽若此，虚白自生辉。

数息憎晨清，伸眉愜晚晴。隙尘浮日影，忽穴啸风声。扪虱天机动，驱蚊我相生。偶然成一笑，栩栩颡身轻。



贵仕龟钻筴，闲居马脱鞮。冠尘昏旧制，带眼剩新围。  
堆案书邮少，登门刺字稀。掩关灰木坐，休示季咸机。

目青浮珠~，声尘籁玉箫。秋怀潘鬓秃，午梦楚魂销。  
注水瓶花醒，听薪鼎药潮。南柯何处是，斜日上廊腰。

静里秋先到，闲中昼自长。门阑疑泄柳，尸祝漫庚桑。  
腹已枵经笥，身犹试药方。强名今日愈，勃勃负东墙。

汗渍筇枝赤，苔封屐齿青。有医延上坐，无客忝分庭。  
霁月钻窗看，鸣禽侧枕听。莫嗔猿鹤怨，岫幌两年扃。

《偶然》偶然寸木压岑楼，且放渠伊出一头。鲸漫横江  
无奈蚁，鹏虽运海不如鸠。躬当自厚人何责，世已相违我莫  
求。石火光中争底事，宾亲收拾付东流。

《再题白傅诗》：香山岁晚惜芳辰，索酒寻花一笑欣。列  
子御风犹有待，邹生吹律强回春。若将外物关舒惨，直恐中  
途混主宾。此老故应深解此，逢场聊戏眼前人。

【周孚铅刀编】《崔仲才问诗于予，作此赠之》日吾未此  
居，时已闻子名。堕地骥騄俊，破穀陵伽鸣。过我不惮劳，  
琳琅照柴荆，图史佩商榷，辞章叹纵横。寅绿托契末，岁月  
令峥嵘。相望百里远，尚记十载情。袖中河梁句，规摹汉西  
京。赏子圭壁姿，愧我螭蛸声。城麋反见迫，欲语还自惊。  
斯文煨烬馀，作者夷跼并。苦苴不柰秀，泾流自为清。差池  
百年内，望子为长城。已知蓄积富，更在淘汰精。君看上岁  
田，宁可卤莽耕。石槃久则穿，暂勿塞此盟。床头有浊酒，  
会与子同倾。

《读吕居仁诗，有味其言，因禄致德裕隐轩中，且次其  
韵。余赏苍烟穷谷之约于德裕，故末章及之》瓠落不解器，

肮脏无缘官。朱郎抱此恨，终岁常鲜欢。家书破万卷，生计才一簞。积忧苦薰心，独以诗自宽。清于虫鸣秋，淡若云出山。老眼文无人，一见为解颜。菰蒲葭苇中，英才得任安。向来三日疑，共此一室闲。人事喜乖悟，比复会面难。駸駸争夺徒，临渊穀黄间。日月老须鬓，百挽不一还。那知箕颖波，可以濯肺肝。我形已支离，乃学仍浮漫。会营南山庐，与子同岁寒。

《次韵朱德裕读豫章诗》：黔安老居士，平日漫为官。梁坏哀何补，韶亡续更难。真为汉玄叹，宁知楚累看。会买皋比去，薪无负此冠。事见集中。

《秦七史庆臣好诗，而喜侠，饮之酒，而赠以是诗》踏遍荆吴鬓欲华，梦中烟雨暗三巴。白盐赤米犹能饭，碧嶰清流便当家。子党昔谁怜范叔，吾门今始识刘叉。塙斯贼食虽堪笑，相祝无劳置齿牙。

《偶成六言》：筠箴歌眠露夜，蒲团趺坐花时。莫叹老骥千里，且喜鸛鷀一枝。

【叶水心集】《读叶子元诗题其后》：心闲误比游丝转，境胜空疑渴焰流。我已输君闻早觉，醉吟都与日中收。

《薛景石兄弟问诗于徐道晖请使行质以子钱畀之》：弹丸旧是吟边物，珠走钱流义自通。认得徐家生活句，新来栏典讳诗穷。

《题孙季蕃诗》：子美太白常住世，佳人栩栩梦魂通。泻落天河浇汝舌，移来不周荡汝胸。千家锦机一手织，万古战场两峰直。孰南孰雅唤莫前，虚萧浪管吹寒烟。

【龙谦孺白蘋集】《古诗》处身乾坤中，适意乃其常。贫



贱亦天然，尤怨徒自伤。平生赋命薄，守己岂不良。量分稍过差，神理翻百殃。苟无济世具，希进未免狂。鄙哉绵上人，远迹空潜藏。市朝车马喧，不碍松菊芳。何妨著衣冠，用舍姑逢场。倘无侥幸心，世亦不见戕。

十旬五旬病，三日两日饿。闭门本求安，岁月不可过。秋成尚百日，急迫如星火。西风吹楸林，木叶朝来堕。夕阳下城头，蟋蟀鸣户左。褰裳临溪水，照影非昔我。悲歌动邻里，惨惨风满座。怀深声愈凄，辞绝意难和。人生一世间，太半逢坎坷。为乐须及时，倏忽伤老大。

西风正浩荡，出门无所寻。强起理菊花，聊以慰我心。傍篱见南山，经旬阻秋霖。岂不欲傲游，虑此泥泞深。凉飈带寒烟，暝色著高林。归鸟未遑栖，撼撼风叶吟。游子悲故乡，感叹岁月深。一室蔽蓬蒿，空壶绝孤斟。徘徊东墙下，仰视林端参。耿耿夜何长，白露湿衣襟。

初日照池底，游鱼戏涟漪。落日延西林，蜻蜓弄斜晖。忘情体自适，不但禽鸟微。以兹慰心胸，富贵如何违。舍策看清溪，步履临型扉。青天委长流，孤云无所依。居然忘物我，身世忽若遗。

凡人种园花，但取红紫丽。今我种园花，所乐在生意。侵晨草露湿，园林有清气。寝兴不裹首，散策绕花次。次第除繁枝，分明去浪蕊。客至旋结襟，舍柯惜馀味。新稍才过屋，弱干渐拂地。是中有深趣，欣然心自慰。送客出河门，返手闭篱关，归来悬午窗，坐看屋上山。众雏困未觉，捣药声已残。倦鸟止不飞，鸡犬亦在栏。高林静白日，时觉鸟声闲。寂寂穷巷中，翳翳桑柘间。不妨麻稻香，无时来鼻端。

## 《古诗四首呈刘行简给事丈》

人生寄寒暑，销铄如然薪。但见烈火炎，倏忽糜灰尘。不过数十改，即已无此身。岂不甚哀哉，言之为酸辛。达士易与足，一饱即自伸。遇者运多途，贪婪丧其真。如此不饮酒，徒为世上人。

一室守丘壑，四海无遐想。乐此邻里欢，坐阅草木长。燕寝北窗下，枕几遂俯仰。清风动柴荆，白日照穷巷。接目有佳色，到耳无惊响。乐哉心迹安，庶保神气养。百年茅檐下，邈矣千载上。

少年负豪气，乃心在有为。天下非我能，胡为久栖栖。圣贤既在上，治具皆设施。一廛为天氓，岂不乐在兹。但愿禾黍肥，富贵从此辞。雨露被东皋，草木含华滋。一物遂生成，仰荷皇天私。努力且加餐，已矣复何期。

人无百年期，乃为千岁根。蓄积为众雉，此意古所敦。悯余贫贱士。窘束未易论。今岁夏潦至，信宿水浸门。旧粟已告竭，新稼无一存。朝分糠粃餐，暮掇藜藿吞。一身未保活，况敢念子孙。虽云伤我怀，赋命不可奔。未死尚为氓，一息犹天恩。

《绝句》小雨归溪北，微云没舍西。地喧鸛鹑斗，日暖鸛鹑啼。

《无题》二首 春风桃李容，能得机时好。谁怜涧底花，自对春风老。

可惜花无主，分明枉过春，谁怜桃李艳，却属路行人。

《绝句》三首 楚天落日暮云浮，痛饮狂歌不觉愁。醉眼山光似乡曲，怎知身在汉江头。

汉口风光恼杀人，绿杨无数绕江津。草堂日日来新燕，  
钓艇时时得锦鳞。

大别寺前春草深，风栖山下汉江清。空材野陇谁为主，  
赖有流移旅客耕。

《表侄赵文鼎监税传老拙所定九品杜诗说正宗作诗告之》  
平生竭力参诗句，久矣宜搜见机杼。岂惟蕴蓄撤遮栏，  
要使幽深尽呈露。君今学诗叩妙理，颇已具眼识精粗。他年  
陶冶融心神，好与造化开门户。读之便感谁使然，若见其事  
在其处。会须体物夺天机，便可分庭抗李杜。风骚乐府久寂  
寞，但见坡谷正驰骛。君才妙龄中科选，第恐此道非先务。  
诗分九品吾所创，妄与正宗辟行路。君今持此欲谁论，勿使  
群言生谤怒。

【唐仲友说斋集】《代家君答闻老诗》三首已下奉祠侍亲归  
乡后作。流水高山举似谁？我惭善听匪鍾期。三诗历历皆可  
语，仿佛当时病可师。

附热衔泥不足言，尔来杖锡亦纷然。不趋炉炭趋寒谷，  
青白于中觉汝贤。

江山天借使诗昌，太守风流似沈郎。莫作推敲冲导其，  
好携佳句过黄堂。

《读章嘉甫诗》：句法亡来久，诗坛忽有人。看君哦字  
苦，胜我食芝新。国史空遗恨，竿门未识真。尚须樽酒细，  
非效捧心颦。

《次季弼索杨继甫诗》：诗来得得巧搜寻，清似壶水洗我  
心。白雪阳春皆绝唱，高山流水欠知音。秦淮森森涵秋影，  
楚岸迢迢起夕阴。此际须君速相就，寒鸦趁侣欲投林。

《再用韵》：爱山欲作抄秋寻，薄宦迟回倦壮心。排遣牢愁须鲁酒，激扬逸气和春音。归与物色荒山径，晚矣功名惜寸阴。寂寞孤芳聊自守，不殊兰芷在深林。

【张南轩集】《张子困求予诗为赋此》

穷冬溯荆江，风急波涛怒。张君一叶舟，追逐任掀舞。时从古岸傍，颇得班荆语。君家岷山下，须眉挟风雨。万里垂橐归，问君何自苦。两儿才过膝，秀色隐眉宇。昨者试省中，旁观正如堵。诵书声琅琅，亦复记训诂。呼前与酬答，进止良应短。我为三咨嗟，每见必摩拊。祝君须爱惜，事业贵有序。美质在陶冶，如器无苦窳。道远方愁予，速成戒自古。可使利欲风，居然熏肺腑。良心人所同，爱敬发端绪。岷江本一勺，东流贯吴楚。但当养其源，日进自莫御。君归闭门思，予言或可取。《马上口占》向来一雪压霾昏，晓跨征鞍傍水村。七十二峰俱玉立，巍然更觉祝融尊。

《偶作》

世情易变如云叶，官事无穷类海潮。退食北窗凉意满，卧听急雨打芭蕉。

《偶成》

公庭过午无余事，退食归来默坐时。晴日半窗香一缕，阳来消息只心知。

《谢用椽惠诗》

一见知心事，旋观慰目评。慈祥汉循吏，儒雅鲁诸生。莫作周南汉，终期冀北程。新诗连夜读，梅影伴孤清。

【杨诚斋集】《读渊明诗》

少年喜读书，晚悔昔草草。迨今得书味，又恨身已老。

渊明非生面，稚岁识已早。极知人更贤，未契诗独好。尘中谈久睽，暇处日偶到。故交了无改，乃似未见宝。貌同觉神异，旧玩出新妙。雕空那有痕，灭迹不须扫。腹腴八珍初，天得万象表，向来心独苦，肤见破幽讨。寄谢颖滨翁，何谓淡且槁。

《读唐人于湊刘驾诗》

刘驾及于湊，死爱作愁语。未必真许愁，说得乃尔苦。一字入人目，蜚出两睫雨。莫教雨入心，一滴一痛楚。坐令无事人，吞刃割肺腑。我不识二子，偶览二子句。儿曹劝莫读，读著生愁去。我云宁有是，试读亦未遽。一篇读未竟，永慨声已屡。忽觉二子愁，并来遮不住。何物与解围，伯雅烦尽护。

《偶成》

珍禽饮盆池，将扇扑窗户。一声惊得飞，再声惊不去。

《绝句》

枫老颜方少，山晴气反昏。旧贫今更甚，已冷幸犹暄。

《书王右丞诗后》

晚因子厚识渊明，早学苏州得右丞。忽梦少陵谈句法，劝参庾信谒阴铿。

《诗情》

只要雕诗不要名，老来也复减诗情。虚名满世真何用，更把虚名赚后生。

《读唐人及半山诗》

不分唐人与半山，无端横欲割诗坛。半山便遣能参透，犹有唐人是一关。

《跋黄文若诗卷》

五字长成璧不如，鼠肝虫臂得关渠。竹坡集里曾相识，惊见兰亭茧纸书。

《无题》

坐看胡孙上树头，旁人只恐堕深沟。渠依狡狴何须教，说与旁人莫浪愁。

《和韩子云惠诗》

幸自同裘好，谁令异巷居。恭承五个字，不但百车渠。句法端何样，先后肯乞去声馀。只容弹剑铗，敢道出无车。

《和济翁弟惠诗》

竟岁不得回，移书焉用频。我方得吾弟，今岂有斯人。海内友非少，谈间子独亲。醉馀无浪语，尤见醉中真。

相思何所似，饥者食人频。此客非常客，诗人太逼人。黄初那足过，子建巧能亲。台阁俱知己，谁为荐子真。

语妙浑忘夜，杯行未厌频。平生憎俗子，胜处要吾人。已结诗中社，仍居族里亲。酒边不着句，何许见天真。

《跋张功父通判直阁所惠约斋诗乙藁》

句里勤分似，灯前得细尝。孤芳后山中，一瓣放翁香。若处霜争涩，臞来鹤校强。不应穷活计，公子也奔忙。

《拟汲古得修绠诗》

学子研终古，难将短浅求。汲深欣得得，操绠要修修。远酌源千载，长纆思万周。初如泉眼隔，忽若井花浮。意到言前达，词于笔下流。昌黎感秋句，圣处极宜搜。

《拟玉水记方流诗》

观水那无术，曾于往记求。是间还韞玉，其外必方流。



缜粟渊潜久，英华气上浮。清波皆中矩，宝祲直横秋。金海芒相贯，璇源折以幽。端如君子德，不病暗中投。

《拟归院柳边迷诗》

玉殿朝初退，金门马不嘶。院深归有处，柳暗迹都迷。紫陌春无际，青丝舞正齐。风烟忘近远，楼阁问高低。残雪莺声外，斜阳凤掖西。小陵花底路，物物献诗题。

《拟上舍寒江动碧虚诗》

江远澄无底，秋深分外寒。太虚元碧净，倒影动清湍。浪雪翻空碎，天蓝落镜看。光摇枫叶冷，声战蓼花乾。画手雕心苦，诗脾觅句难。人间那有许，我欲把渔竿。

《题徐衡仲西窗诗编》

江东诗老有徐郎，吉甫波澜并取将。领表旧游君记否，荔枝林里折桃榔。

《为王监簿先生求近诗》

林下诗中第一仙，西风吹到日轮边。杜陵野客还惊市，国子先生小着鞭。拈出老谋开宇宙，本来清向只云泉。新篇未许见童诵，但得真传敢浪传。

《张功父索余近诗，余以南海朝天二集示之，蒙题七言》

作者于今星样稀，凄其望古驷难追。空桑孤竹陶元亮，玉佩琼琚杜拾遗。自笑吟秋如懒妇，蟋蟀也，见《古今注》可能击鼓和冯夷。报章不作南金直，渐愧君家丙藁诗。

《读樊川诗》

江妃瑟里芰荷风，净扫痴云展碧穹。嫩热便嗔疏小扇，斜阳酷爱弄飞虫。九千刻里春长雨，万点江边花又空。不是樊川珠玉句，日长淡杀个衰翁。

## 《与孺子共读东坡诗，前用唐律后用进退格》

急性平生不少徐，读书不喜喜观书。十行俱下心未醒，  
两日俱昏还月馀。偶与儿曹繙故纸，共看诗句煮春蔬。问来  
却是东坡集，久别相逢味胜初。

枉看平生多少书，分明便是蠹书鱼。万签过眼还体去，  
一字经心却似无。急读何如徐读妙，共看更胜独看渠。繙生  
冷笑仍相劝，惜取残零觅句须。

## 《与长孺共读杜诗》

病身兀兀脑岑岑，偶到儿曹文字林。一卷杜诗揉欲烂，  
两人齐读味初深。断肝枉却期千载，漏眼谁曾更再寻。笔底  
奸雄死犹毒，莫将饶舌泄渠心。

## 《谢邵德称示淳熙圣孝诗》

古人浪语笔如椽，何人解把笔题天。昆仑为笔点海水，  
青天借作一张纸。作商猗那周皇矣，廷尉簿正邵夫子。淳熙  
圣孝贯三光，题大如天谁敢当。夫子一洒金玉章，银河吹笙  
间琳琅。吉甫奚斯鸿雁行，彼何人哉唐漫郎。夜来玉虫杂金  
粟，老夫春寒眠不足。起来拾得圣孝诗，灯花阿那圣得知。

## 《跋吴子箕秀才诸卷》

君家子华翰林老，解吟芳草夕阳愁。开红落翠天为泣，  
覆手作春翻作秋。晚唐异味今谁嗜，耳孙下笔参差是。一径  
芙蓉十万枝，唤作春风二月时。旁人笑渠眼花恐落井，渠方  
掉头得句呼不醒。老夫向来守荆溪，郡有诗人元不知。赠我  
连城杂照乘，一夜空斋横白□。芙蓉春风之句，乃吴之警句也。  
唐吴融云：不劳芳草色，更惹夕阳愁。

【周益公大全集】《刘仙才仲俊示其父醉庵诗集索鄙句》

蹇步蹒跚到作溪，病眸眩瞶刮金篦。清风满座无尘事，遗墨盈编有旧题。久羨山人居水北，今知诗社续江西。醉吟跌□谁能写仿佛琳琅识介圭。

【沈继祖梔林集】《次韵答李孟达通判索鄙诗》

删后无诗亦可尤，人言赋者古诗流。欲闻正始今安在，须向先秦以上求。元酒大羹存至味，子虚亡是漫相酬。万人丛里谁人晓，独有夫君暗点头。

【项安世丙辰悔藁】《陈信民求诗》

子合陈平甫，吾当项信民。食兵吾不愧，门辙子方贫。老眼观斯世，多情尚若人。相遇无远近，元不计冬春。

《次韵郑检法与胡教授论诗》

古诗亡狗曲，新样入桑间。论稍经坡谷，人方敬杜颜。诗至子美，字至鲁公，皆集大成，坡谷云然。天机传杼轴，僧衲忌栏班。妙处无多泄，从来造物悭。

《谢张尧臣秀才惠诗》诗人张武子之弟，字以道。

□□□□古，不要世人怜。碧甃千寻绠，朱绳五十弦。鼎来三影句，印脱一灯传。依约云门路，寒驴兀瘦肩。予与张武子游云门今十年矣。

《偶得》二首。

水边杨柳秃簷沙，路上寒梅噤未花。欲识乾坤生物意，桑根麦子已含芽。雪中春到梅花觉，冰底水行人来知。珍重天公好消息，通今通古更何疑。

《绝句》

日日长沙岸，看云只念家。如何永州梦，偏爱在长沙。

《次韵黔阳王令论诗五绝句》